



UNIVERSITÄTS-
BIBLIOTHEK
PADERBORN

**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Vnguentum Sandalinum VI

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

BRASAVOLI

sponte refrigerat, et humectat, quæ qualitates non adeo egregie à nenupharino unguento induci possunt. SE. Veruntamen si illud conficere uoluerim scire optarent quibus simplicibus uti deberem, & quomodo sit conficiendum. BRAS. Ego os de corde cerui, & margaritas à compositione abijcerem, ueluti ad unguenti intentionem inutilia. SE. At tu ad refrigerandum cor, atque roborandum quo unguento huius nenupharini loco uteris. BRAS. Infrigidante Galeni cerato uterer, nam rosæ cor roborat quia odoratæ. tamen si uehementius infrigidare uoluerim, & roborare ita unguentum parari iuberem, & cordis regionem inungi.

Recipe unguenti infrigidantis Galeni unc. III.

Sandalorum rubrorum } Sing. scrup. semis.
Luteorum }

Ambracani gra. I.

Musci granum semis.

Succi limonis unc. semis.

Misce. hoc ita paratum cor refrigerat, & uehementer roborat. SE. Posteaquam huic unguento fidem non adhibes, ad aliud quod in mea scheda sequitur considerandum transeamus. BRAS. Ut lubet.

SENE X VI.

Unguentum Sandalinum sequentem locum occupat.

BRAS. A quo authore accipitur. SE. A Mesue, licet ipse sub nomine cerati de sandalis illud referat.

BRAS. De nomine non erit quæstio, compositionem ipsam adducito. SE. Hæc est quæ sequitur.

Recipe rosarum drach. XII.

Sandalorum rubrorum drach. X.

Alborum

Sandalorum alborum } Singulo. drach. VI.
Luteorum }

Boli armeni drach. VII.

Spodij drach. .IIII.

Camphoræ drach. II.

Ceræ albæ drach. XXX.

Olei rosacei lib. I.

Conficiatur, & administretur. & sunt qui lauant oleū,
& ceram prius, & postea permiscent cum alijs, & est
melius. BRAS. Lauas ne tu ista? SE. Semper laui.
BRAS. Non probō rosaceum lauari, sed oleum potius
ē quo rosaceum coofectum est, debuit esse probē lotum,
immo & esse omphacinum. SE. Ego ex communi oleo
rosaceo conficio, quod prius probē abluo. BRAS. In
hoc erras, quia rosaceo odorem aufers, atq; uires. SE.
De odore ita esse experientia uidi, de uiribus autē igno-
ro. BRAS. Immo non ignoras, quia si odorē aufers,
indiciū est non esse amplius rosaceum, & rosarum ui-
res amisisse. immo & hoc tibi addo non esse abluendam
ceram, si albā accipis ut Mesue dicit, nam sæpius ablu-
ta est, insolata, atq; expurgata, non enim dicendum est
accipiendam illam quæ multum alba est, de qua alicubi
mentionem facit Galenus, quia eiusmodi cera non ha-
betur, nam alba quam habemus arte confecta est. SE.
Ne autem arbitreris me aqua simplici hæc abluere, sed
rosacea uitor. BRAS. Ut lubet facito, tamen non est
necessaria eiusmodi lotio. SE. Est ne uerum quod sit
ultimum ad sedandam inflammationem, & apostemata
calida? BRAS. Immo non multum infrigidat, nam
rubri, & lutei sandali caliditatem quādam habent, atq;

o iij spodium

spodium. De camphora ambiguum est num sit calida an
 frigida, unde tantam frigiditatem in hoc unguento non
 percipio, ut extreme frigidū dici debeat. SE. A Me-
 sue dicitur sedare supercalesfactiones, quæ in stomacho
 sunt & hepate, tamen nunquam uidi medicum qui hoc
 unguento ad liniendum stomachum uteretur, sed omnes
 ad iecur infrigidandum eo utuntur. BRAS. Tamen
 uehementer non infrigidat, ubi uehementi indigemus
 refrigeratione. SE. Ad iecur igitur refrigerādū quo-
 uti deberemus? BRAS. Galeni infrigidante, & eo
 iecur liniri. cum autem iecur sit membrum laxū necesse
 est linimēta quibus deliniri debeat, aliqua styptica semp
 recipere, & astringentia, Iccirco ad iecur refrigeran-
 dum infrigidante Galeni utor cum portiuncula sanda-
 lini. cum uero iecur resolutione indiget, oleo de absyn-
 thio utor, cui nonnihil addo sandalini unguenti. & licet
 Galeni refrigerans rosacei ratione aliquā habeat stypti-
 citatem, tamen tanta non est, quantā exigit iecoris mol-
 lities, ego que hoc utor unguēto ubi mediocriter exic-
 care, & non calescere opus est, ut in renibus nonnunq̄
 contingit. in sūma igitur unguētum hoc uel ceratū non
 est uehementissimum infrigidans inflammationum, & ca-
 lidorum apostematum, licet adstringat, & laxa mēbra
 roborare possit. SE. Sunt ne antiqui de hoc cerato lo-
 cuti? BRAS. Non quod sciuerim, & quomodo eorū
 quispiam de hoc cerato tractare potuit, cum apud anti-
 quos sandali essent ignoti? nam Arabes sunt sandalorū
 inuentores, & ab Indis ad nos deferūtur. SE. Aliquos
 audiui de sandalis disceptantes, & omnibus albos præse-
 rentes. BRAS. Decipiuntur hi, nam alij potius præ-
 stant,

stant, quia odorati, albi uero nihil penitus habent odoris. At de sandalino unguento satis dictum erit, si huc Serapionis cōpositio adducatur, quam refert tractatu septimo de Antidotis capite uigesimo septimo quæ est Dimat de sandalis, & ita conficitur.

Recipe rosarum drach. X.

Sandali albi } Sing. drach. V.
 Rubri }

Croci drach. II.

Camphoræ drach. I.

Ceræ unc. I.

Olei rosacei unc. III.

Misceantur, & administrentur.

SE. Est minor compositio quàm illa Mesue. BRAS.

Nonnulli Ferrariae sunt qui in tota compositioe in pondere differunt, & ita conficiunt.

Recipe ros. rub. unc. II.

Sandalorum rubrorum drach. XX.

Citrinorum } Singul. drach. XII.
 Alborum }

Boli armeni drach. XIII.

Spodij unc. I.

Camphoræ unc. semis.

Ceræ albæ unc. VII. & semis.

Olei rosati lib. II.

Misce. Alij ponunt in compositioe cōi ceræ unc. VI.

SE. Quem sequi debeo? BRAS. Mesuem.

SENE X VII.

Unguentum de Semperuiua ad examen uenit. BRAS.

A quo authore istud accipis? SE. Authorem prorsus

ignoro